

docstiver 文川网
古籍书城
在文川网 获取更多电子书

中國方志叢書·華中地方·第一〇九號

據清·李賓陽修趙扶友等纂
清同治十年刊本
影印


江 西 省

興安縣志

(全)

5150102

成文出版社印行



熙癸亥有胡志丁酉有孔志亦越
乾隆十一年有劉志四十九年有
雷志此數志者或存其序而亡其
書或續其書而斷其簡惟道光四
年甲申之申志稱完璧焉遙遙湖
之以此見我

朝二百餘年以來教化覃敷不遺小
邑而諸大夫奉行維謹因革損益
之咸宜積之既久發之彌光不然
地猶是古之陶地民何以大異於
當時陶民之獷悍哉予自同治五
年承乏茲土每當飲射讀灋之餘

熙癸亥有胡志丁酉有孔志亦越
乾隆十一年有劉志四十九年有
雷志此數志者或存其序而亡其
書或續其書而斷其簡惟道光四
年甲申之申志稱完璧焉遙遙湖
之以此見我

朝二百餘年以來教化覃敷不遺小
邑而諸大夫奉行維謹因革損益
之咸宜積之既久發之彌光不然
地猶是古之陶地民何以大異於
當時陶民之獷悍哉予自同治五
年承乏茲土每當飲射讀灋之餘

徵文考獻陶瑄山陳文正公之相業猶有能道之者乎是其為人也能撐半壁於江南者也重山謝疊山先生書院其咏歸門明經堂遺跡猶有存焉者乎是其為人也能以忠義教民者也他如立先農壇

以勸農設課士館以取士吟汪提學乞養詩以著孝讀費學士雙節序以旌節以及山川之險阻戶口之盛衰賦稅之盈縮詳而考之精而思之志也即治也治也即道也由一邑推之而府而省而一統其

治道大都如是也所謂持此以往可以治天下者是耶非耶今奉上憲檄飭纂修自揣生平六經諸史烹煮未熟兼之宦途奔走筆硯荒蕪爰邀學博趙君松友陳君壽田邑明經楊君鎮甫相與刪繁補

缺刊謬存真夫豈敢言著書哉亦欲使前之作者不至於失傳後之述者不至於無考地雖二十一里志仍五十四門庶幾知戰國之滕猶可為善國魯之武城猶可化結歌况賴

docsriver 文川网
入驻商家 古籍书城

在文川网搜索古籍书城 获取更多电子书

皇上如天之福狂寇掃平此正萬方臣
庶所當歌咏隆平之會則此次纂
修愈見文運光華矣於戲盛哉
同治十年歲辛未仲冬上澣

特授廣信府興安縣知縣桂林李賓暘

撰并書



興安縣志

序

五

興安縣志卷首

上諭

景星慶雲天之文也名山大川地之文也曲禮經禮人之

文也典謨訓誥誓命帝王之文也

聖皇在上兼三才而立極約十體以摛華喬哉皇皇

德音流播洵足軒輦萬姓彪炳萬年已雖累牘長篇不能備錄

而窮鄉僻壤罔弗咸遵與即彈丸敢自外於

教化乎恭志

上諭

興安縣志

卷首 上諭

世祖章皇帝登極恩詔 順治元年

奉

天承運

皇帝詔曰我國家受

天眷祐肇造東土

烈祖邁圖鴻緒

皇考禰廓前歌遂舉舊邦誕膺

新命迨朕嗣服雖在冲齡締念紹庭永綏厥位頃緣賊氛滂熾

禍極明朝是用托重親賢救民塗炭乃方馳金鼓旋奏澄清

既解倒懸非富天下而王公列辟文武羣臣暨軍民耆老台

詞勸進懇切再三乃於今年十月初一日祇告

天地

宗廟

社稷即皇帝位仍建有天下之號曰大清定鼎燕京紀元順治編

雜暖命不易創業尤難况當改革之初更屬變通之會爰乃

酌今準古揆天時人事之宜庶幾吏習民安彰

祖德

宗功之大所有合行條例列如左

興安縣志

卷首 上諭

諭各陳利弊 順治十二年

上諭吏部朕撫育萬方夙夜祇懼講求愛民之道不啻三令五

申乃年來水旱相尋干戈未靖民窮莫極兵食不充上德弗

宣下情壅塞所以致此弊非一端朕已廣開言路博詢化理

復念天下至大民情土俗所在不同地方各官身親實歷凡

兵民疾苦政事利弊必有灼知於心耳聞目見最為真切今

文官自督撫以下知府以上武官自提督總兵以下副將以

上管轄之內職掌事宜向來積弊何以得清見今整頓如何

而可俱著詳切直陳無隱以資採用司道知府副將著各陳

奏一次知其病即備其藥言其害即舉其利毋得浮泛雷同
苟且塞責負朕周諮勤民至意爾部即傳諭行慎諭

論興教化 康熙九年

上諭禮部朕惟至治之世不專以法令為務而以教化為先其
時人心醇良風俗樸厚刑措不用比屋可封長治久安茂登
上理蓋法令禁於一時而教化維於可久若徒恃法令而教
化不先是舍本而務末也近見風俗日弊人心不古蠹吏成
習僭濫多端狙詐之習日工訟獄之興靡已或豪富凌軼孤
寒或劣紳武斷鄉曲或惡棍出入衙署或蠹棍詐害善良在

興安縣志

卷首 上諭 三

符之劫掠時聞 自疊見陷罹法網刑所必加誅之
則無知可憫宥之則憲典難寬念茲刑辟之日繁良由化道
之未善朕今欲法古帝王尚德緩刑化民成俗舉凡敦孝節
以重人倫篤宗族以昭雍睦和鄉黨以息爭訟重農桑以足
衣食尚節儉以惜財用隆學校以端士習黜異端以崇正學
講法律以敬愚頑明禮讓以厚風俗務本業以定民志訓子
弟以禁非為息誣告以全善良誠竊逃以免株連完錢糧以
省催科聯保甲以弭盜賊解警忿以重身命等項作何訓迪
引導及作何責成內外文武該管各官督率舉行爾部詳察

典制定議具奏特諭

論制將參將遊擊等官 雍正元年

朕惟國家兵制凡疆宇要地既設提督總兵統領鎮守又設副
將參遊分列營伍遞相鈐轄蓋從古治兵有大帥必有偏裨
所以宣揚威武協贊軍機收指臂之效奠磐石之安也爾等
所屬地形有險易兵數有多寡各宜預定練兵之法親校騎
射嚴試技勇簡拔驍銳更換老庸務令一營士卒人材雄健
武藝精嫻又時教以行陣使之步伐進退井然有法日演月
習氣壯心齊自成有制之師而無難折衝禦侮矣乃有不肖

興安縣志

卷首 上諭 四

將弁不勤訓練技籍徒有虛名責效毫無實濟營伍廢弛為
害最大其弊由於將弁之貪利而廢法一在冒虛稱而兵額
實數一在剋月強而兵有怨心上虧天家之糧餉下疲窮卒
之脂膏身司戎務而不能兼正以服眾雖日示訓練之法誰
為之踴躍用命乎爾等遇有兵丁空缺即選力勇技精者補
足除伍至於馬步各糧按期領給不得剋減分毫古之良將
多以愛恤士卒克建膚功投擊扶續之風爾等宜知懣慕焉
官軍之協守一方所以捍衛一方之百姓故曰設兵以衛民
也防亂於未萌緝奸於已發俾居民安家樂業共享昇平自

然受兵之利而不受兵之害倘或約束不嚴縱兵肆虐誘賭
放債恃強奪利甚至地方小警漫不防禦緝捕以致奸宄
蔓延卸責於有司文武失和秦越相視殊背國家設兵鎮守
之意律法具在罪有攸歸至於爾等簡用督撫中軍責任匪
輕尤宜潔已奉公恪遵法紀至都司守備千總把總等員各
有城守汛防之責亦宜努力稱職自奮功名朕念爾等曾受
皇考選擇之恩自應保守前勞力圖後效果能整飭戎伍允著干
城之望朕自不惜寵以崇階倘若廢墜武備侵漁糶芻甚且
妄執武官不惜死之言恣意逞威虐民生事爲害於地方王

興安縣志

卷首

上諭

五

法森嚴決難輕貸特諭

御製

聖諭廣訓序 雍正二年

書曰每歲孟春遣人以木鐸徇於路記曰司徒修六禮以節
民性明七教以興民德此皆以敦本崇實之道爲驅民覺世
之模法莫良焉意莫厚焉我

聖祖仁皇帝久道化成德洋恩普仁育萬物義正萬民六十年來
宵衣旰食祇期薄海內外興仁講讓革薄從忠其戒親遊之
風永享昇平之治故

爾頌上諭十六條曉諭八旗及直省兵民人等自稱當名教之際
以至於耕桑作息之間本末精粗公私鉅細凡民情之所習
皆

睿慮之所周視爾編氓誠如赤子

聖祖之政爲政夙夜匪懈率由舊章惟恐小民遵信奉行久而或
以

聖祖之心爲心以

聖祖之政爲政夙夜匪懈率由舊章惟恐小民遵信奉行久而或

怠用申誥誠以示提撕謹將

興安縣志

卷首

上諭

六

上諭十六條尋釋其義推衍其文共得萬言名曰

聖諭廣訓旁徵遠引往復周詳意取顯明語多直樸無非奉

先志以啟後人使羣黎百姓家喻而戶曉也願爾兵民等仰體

聖祖正德厚生之至意勿視爲條教號令之虛文共勉爲謹身節

用之庶人盡除夫浮薄褻凌之陋習則風俗醇厚家室和平

在朝廷德化樂觀其成爾後嗣子孫並受其福積善之家必

必有餘慶其理豈或爽哉

諭日月合璧 雍正三年

上諭據欽天監奏稱雍正三年二月初二日庚午日月合璧以

同明五星連珠而其貫宿躔管室之次位當敬警之宮爲從來未有之瑞應請敕付史館等語朕惟日月五星運行於大本有常度是以從古歷元可坐算而得然古稱高陽時五星會於營室漢帝時五星聚於東井宋祖時五星聚於奎壁史書皆紀以爲祥蓋七政會合數雖一定而遭逢其時者實海宇昇平民安物阜之會也若以爲德化所致朕方臨御二載有何功德遠能致此嘉祥皆由我

皇考六十餘年聖德神功蟠天際地爲千古不世出之君爲

上天第一篤愛之子所以純禱駢集歷數綿長錫祚垂光至於今

興安縣志

卷首 上諭 七

日觀此難逢之嘉瑞朕嗣統以來兢兢業業率由舊章惟以

皇考之心爲心以

皇考之政爲政豈敢專罔敢稍越尺寸故敬

上天垂鑒仍如

皇考之御宇綏猷而錫以無疆之福也朕幸逢嘉會不但不敢自

居亦且不敢自謙總由

上天申眷

皇考朕與天下臣民同在福祐之中當與天下臣民共慶之所泰

着付史館并頒示中外該部知道

諭正士習 雍正四年

上諭爲士者乃四民之首一方之望凡屬編氓皆尊之奉之以爲讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正士然後以聖賢詩書之道開示愚民則民必聽從其言服習其教相率而歸於諱厚或小民偶有不善之事卽懷愧恥之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶勤修讀書立品之輩而蕩檢踰閑不顧名節者亦復不少或出入官署包攬詞訟或武斷

興安縣志

卷首 上諭 八

鄉曲欺壓平民或違抗錢糧藐視國法或代民納課私濫身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀書之人而並且輕視朕自卽位以來加思學校培養人材所以教育士子者無所不至宜乎天下之士皆鼓舞奮興爭自濯磨盡去其佻達之風而內外諸臣條奏中臚列諸生之劣蹟請行嚴懲者甚多朕思轉移化導之法當先端其本源教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡

事任教官之因循怠惰苟且塞責漫不加察所以倡率之本不立無怪乎士習之不端而風俗之未活也朕孜孜圖治欲四海之大萬民之眾皆向風而慕義草薄而從忠故特簡督學之臣慎重教官之職欲使自上而下端本澄源以收實效也凡為學臣者務須持正秉公宣揚風化於教官之稱職者即加薦拔溺職者即行參革為教官者訓誨士子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日聞善言日親善行以生其感發之念

興安縣志

卷首

上諭

九

風俗之不變廢幾其可望也特諭

諭辯禮義廉恥 雍正五年

上諭選國考試新科進士以宋儒所云士人當以禮義廉恥為論題諸進士試卷迺朕躬自披覽見其文辭之上者優劣固有不同然大學皆詞章記誦之常談見解卑淺識量狹隘未能真知題中之理適而實有發明蓋所言止於儀文末節而已非禮義廉恥之大者也朕則謂古人言禮義廉恥國之四維者蓋以天下之大四海之眾皆範圍其中而不可須臾離而士人貴有禮義廉恥之說所指甚遠所包甚宏士之

興安縣志

卷首

上諭

十

為人君下之為人臣皆當求其大者以為務而不可屬於儀文末節之間也以禮言之如化民成俗立教明倫使天下之人為臣者皆知忠為子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財制用崇儉務本使天下之人家給人足路不拾遺盜賊不生爭訟不作貪官汚吏無以自容此廉之大者也節食豆羹一介不取此廉之小者也至於以恥言之為人君者憲天出治誠和萬民則當以一夫不獲其所為恥為人臣者行義達道兼善天下則當以其君之不為堯舜為恥若夫迂拘曲謹如鄉黨自好之類不夫言於人不失色於人此乃知恥之小者耳會何足以盡有恥之道乎欲為君盡君道欲為臣盡臣道而其道實不外禮義廉恥之四端士人者必當以天下為己任其身即為臣之身而有致君之責者豈可徒知禮義廉恥之節而不知知禮義廉恥之大者乎夫禮義廉恥由一端之小者擴而充之皆可以保四海然必知其大者而務之自可不遺於其小若或徒窺小節而不知其大則迂拘曲謹止圖檢束一身而不取

任天下之重此則細人之行而非士人之道也孔子曰人能
宏道非道宏人其可不勉自奮立乎朕引見新進士之時即
欲面加訓諭因天氣炎熱恐伊等暫時聽不能悉心領會
今特詳爲宣示朕願與大小諸臣交相儆勉詳思禮義廉恥
之大者身體力行則人心風俗蒸蒸日上而唐虞三代之治
庶幾其可復見矣特諭

論取士 乾隆四十二年

上論文以明道自當以清真雅正爲宗朕曾誦誦訓諭而文風
總未能隨蓋非一朝一夕之故本年會試閣中進呈前十名

興安縣志

卷首

上論

十一

卷朕詳加披閱文體較爲純正尙不失制義之本發榜後詢
之大學士于敏中據奏近年風氣喜爲長篇又多沿用墨卷
膚詞爛調遂爾冗蔓浮華即能文者亦不免爲趨向所累等
語士子平日殫心經術探討古文及時文諸大家以立其體
作文尤須體會先儒傳說以闡發聖賢精蘊獨出心裁屏除
習見詭其文自然合度何必動輒千言因陳不察即昔陸機
云要辭達而理舉固無取乎冗長韓愈云惟陳言之務去二
語實文章正鵠士子宜深味乎其言嗣後鄉會兩試及學臣
取士每篇俱以七百字爲率違者不錄其庸熟墨派悉行剔

除又或過爲新奇墮入牛鬼蛇神惡道尤在所澄汰操觚者
慎毋掉以輕心司衡者各宜示以正軌務期風會蒸蒸日上
以副朕崇雅黜浮之至意將此通諭中外知之欽此

論講朱子全書以端士習 嘉慶二十二年

上諭御史卿祖培奏請勅各省學政講明朱子全書以端士習
一摺教化爲立政之本以正人心以厚風俗非特各省學政
當講明正學以端士習即督撫藩臬以至道府州縣各有治
民之責皆應隨時化導俾小民遷善遠惡力返淳風宋儒朱
子全書固足以闡明經術而五經及四子書炳若日星若在

興安縣志

卷首

上論

十二

官者各能身體力行以爲編氓倡率亦何不可收世道人心
之益朕前降諭旨命牧民者惟以孝弟忠信禮義廉恥爲民
之先務直省大小官吏果能仰體朕意實力奉行廣爲勸諭
使父誡其子兄誡其弟久之漸摩成習薰德而善良者衆口
計雖不足月計則有餘也其有愚頑梗化之徒徂於邪說則
明刑所以弼教化導與懲創相輔而行使民知畏法而生懼
心卽漸知慕義而生愧心至於有恥且格則經正民興自無
邪慝矣將此通諭知之欽此

論端士習 道光十五年

尚御史俞焜奏嚴核優劣以端士習一措從來民風之醇樸由於士習之端謹凡有教士之責者不徒謀以文藝務在敦崇實行嚴為旌別以樹風聲若如該御史所奏近來各地方官於貢監生員併不隨時稽察教官舉報優行人數日增不無冒濫其有素行不端者類皆徇隱不報刁劣之徒肆無顧忌往往出入公庭勾串書吏或以他人潛擢出名包攬或以不干已事聯名訟評逞筆舌以玩法恃衣頂為護符甚至勢壓鄉閭挾制官長犯法滋事日積愈多於風俗人心大有關係不可不嚴行甄核著各直省督撫府尹學政嚴飭地方官暨各教職務須隨時訓誡認真稽查舉優者勿徇虛名報劣者毋許姑息倘仍瞻徇隱匿致釀事端即將各該地方官及教職從嚴參辦決不寬貸將此通諭知之欽此

興安縣志

卷首 上諭

十三

興安縣志 官階

頭品頂戴兵部侍郎兼都察院副御史巡撫江西等處地方兼理糧務兼督銜碩勇巴圖魯劉

欽命江西等處承宣布政使司布政使加十級紀錄十次

欽加布政司銜江西等處提刑按察使司按察使加十級紀錄十次 俊

興安縣志

卷首 官階

十四

欽命江西通省督糧道兼巡南撫建地方兼管水利驛務加十級紀錄十次 平

欽命江西全省鹽法分巡瑞袁臨地方兼管驛務水利道加三級隨帶加二級紀錄十六次 吳

欽命江西分巡廣饒九南兵備道督理九江關稅務加十級紀錄十次 景

特授江西廣信府正堂加十級隨帶加四級紀錄十次 時

興安縣志 目錄

卷首

上論

官階

序

卷一

目錄

原序

凡例

興安縣志

卷一

目錄

繪圖

卷二

地理志

星野

疆域

沿革

卷三

地理志

山川 形勝附

水利

卷四

地理志

津梁

關隘附

古蹟

坊表附

風俗

物產

卷五

建置志

興安縣志

卷一

目錄

城池

壇廟

公廨

試院附

寺觀

育嬰堂 養濟院 漏澤園附

卷六

食貨志

戶口

田賦

額徵 蠲緩 雜課附

倉儲

漕運 屯田附

驛鹽 驛舖附

卷七

學校志

學宮

學制 學額 學田附

書院 社學附

卷八

武備志

興安縣志

卷一

目錄

三

兵制

武事

卷九

職官志

文職

武職

名宦

卷十

選舉志

薦辟

進士

鄉舉 五貢 鄉飲者 碩壽民附

仕籍 封爵 封贈附

卷十一

人物志

名臣

宦業

理學

興安縣志

卷一

目錄

四

儒林

文苑

卷十二

人物志

忠義

孝友

善士

隱逸

方伎

卷十三

人物志

列女 節孝 貞烈 壽婦

寓賢

卷十四

藝文志

文徵 文

卷十五

藝文志

興安縣志

卷一

目錄

五

文徵 詩

金石

卷十六

雜類志

仙釋

塋墓

祥異

秩事

興安縣志原序卷一

原序

明邵伯悌

天下山川犁然縷析其間風氣漸開生齒繁盛不有以職
長之迪教之則民獻弗興民生弗安是故經畫區分立政
建官勢所不可以已焉者也興安故橫峯密壤隸弋陽因
處民遷此以陶爲業習俗剽悍不遵法度時或騷動正德
間設府判以臨蒞而撫綏之嘉靖庚申歲當事題請議割
上弋鉛三邑共三十里後新安江公復議請割上弋二十
一里制曰可今劉侯以邑名興安凡可以興而安之者盡

興安縣志

卷一

原序

一

心力而爲之三年於茲百務具舉士丕變而民向化復見
循良風烈矣適郡檄言茲邑不可無志侯喟然曰輿地之
籍昉於八索厥後李吉甫作元和郡邑志謂執此可以治
天下真名言哉乃徵大明一統志例大書者八畫地分野
作壤書賦役戶口作甸書官秩之設作職書教化之崇作
迪書其辟舉科甲選書錄之名賢人物闡書記之文翰詞
章藻書載之古蹟祥異葑書括之舉一邑之典章文物機
務體要而統之八書卽八索之意詳而覈簡而該執此理
興繪運諸掌乎雖然山川一也有稱重於天下而不朽者

存乎其人焉耳桐江有嚴子陵後名其州巨嚴以人重也

魯公令中牟朱公令桐鄉迄今稱之曰魯中牟朱桐鄉是

以令重也侯嚴之賢彥而著循良之績天下將指而稱之

曰劉興安不與中牟桐鄉並烈也哉

原序

楊時喬

善治者師先王其下師心師心者用智智有時窮乃任法
法久恒弊弊極不反民亦起而以智闕與法競害斯成矣
及其害而謂民心非昔難與理也豈其然哉師先王者觀
廣谷大川異制民生其間異俗又體名山大川不以封使

興安縣志

卷一

原序

二

王官監治之意凡封境多山谷爲草木禽獸所產勢恒險
阻而寶藏之興則利壤多水川爲蠶蠶蛟龍魚鱉所產勢
恒沮洳而貨財之殖則利藪勢在惟民易聚利在惟民好
爭聚而爭卽訟訟卽師先王察其異俗也政由俗革勢則
順而平之利則導而布之如不可導布斯厲之法制欲其
不訟不師並生無虞此王制亦王道也是故求治不師先
王而師心縱微小績亦苟道也我江省介名山大川信負
郡鄰浙山常居土田十之七八勢險阻而銅塘以銅鐵山
以鐵平洋以鑛靈山以晶稱利壤我朝郡初隸浙卽以隸

江故田賦兼則江浙乃重又利壤故嘗有聚而採者然亦以產少流徒寇爭難散屢勞典師法制始嚴至今尙賴司封守者輯甯而橫峯巖勢險阻山土可陶浙之龍泉民來據爲利已而土盡轉取他山器粗貨難乃習俗剽悍聲氣若厲而木隸上弋版圖不遵法制敢于白闕出則協黨正嘉問恣矣省臣請銓郡倅專鎮之庚子歲役重恣始謀建邑省上諸公案議割上弋鉛三邑共三十餘里而哀永玉之里補上饒袁貴溪之里補弋陽以前所割建萬年之里還貴溪未幾恣者已辛酉復梗議太守新安江公復議僅

興安縣志

卷一 原序

三

割上弋二十一里郡人欲如庚子議無言者江公夙尊禮先人以言之江公曰君遠讓敢不從第念審民非負固不服者暫假上弋兩縣漸摩仁義之友民以馴化之如峻可勿設若庚子議罷民重擾于是設邑不改都而邑立自此懲法馴化特地隘民貧不足以供賦役禮儀民亦欲勿設如江公擬者余謂是在良令節約安定之爾前年分水劉侯令此侯長于文學習于吏事踰年而群宜修諸廢興神采煥觀念新邑不可不志亟請命于慈道房公學道沈公鄒侯孫公陳公樊公遂自主畫屬邑博周君詹君邑士歐

興安縣志

卷一 原序

四

陽君各纂訂焉工畢俾來問序乃其志凡八書書各數目詳夫邑所從立政所由行而禮教未孚則禮儀穢悉訓歌條節萃場人物惟列嘉靖丙戌前郡乘者七以後不錄豈故遺哉無乃賢否不齊仕論鄉評莫掩將博書而法不得濫將擇書而是不能持此志家自昔稱難以鮮能公故缺之實慎之俟之君子可以觀世已顧余于茲邑始同根土今有枝幹相附之詣嘗追惟其初爲橫峯梗民者豈獨民亦師心者用智任術弗善馭之逾觀其後爲興安馴民者豈獨民亦師先王者順勢利導能善馭之王道可舉而民心可與爲理吾因是決之也自今馴而往邑隘民貧可若江公議勿設乎哉竊意權不可預立志亦言邑以時勢使然善通變者可因則因可革則革期與民宜之誠有見之言哉余方在假猶縷此叙志叙志所以叙治理也

原序

高夢說

廣信豫章之曹滕也興安又廣信之邾莒也置縣始明嘉靖中迄今垂百有餘年斗大一城居民內外數十家長吏皆卑棲短垣晨夕食一莖菜必轉而求之他邑其餘從可知矣顧其文學獨不甚後於他邑其賦較他邑才什之三

docsriver 文川网
入驻商家 古籍书城

在文川网搜索古籍书城 获取更多电子书

能科稍峻則成拙手曰使君純我急若掛蒲鞭壁上則又
掉臂去雖幸其衣疾呼之亦不應且其地爲由府詣省必
經之道不甚僻左故邑雖小頗糾劇難治比平劉君儀籠
來令典謁予於郡布衣木簡悃無華予卽臆決曰大夫
也必於邑宜未數月微聞君首剔胥徒奸利窟宅咸不辟
飾片驥取民間一簪又躬於署隙闢園藝蔬不取民縷絲
莖稻門無襍走使勁褐溫貂皆忱惕不敢言地方事予竊
意曰典令君治狀果美若是乎會予以賑饑行部入其境
而田野闢及其郊而道路修至其邑而父老子弟咸相告

興安縣志

卷一 原序

五

曰劉使君幸活我予然後知君之治狀果信而有徵也王
子冬適奉憲檄徵志予卽下之七邑私計興立縣百年來
未始有志事爲其創較他縣應倍難顧劉君書成獨先甫
脫藁卽賈示余發凡起例體裁甚正屬辭甚雅凡百年內
一邑之故網羅無遺予讀竟喟然嘆曰語云有真經濟者
必有真文章古人豈欺我哉予往往見登高能賦扣鉢成
詩之流才非不雋而案牘空集則攢眉蹙額若難終日或
寫廉筦論計量米鹽之輩事非不辯而掉鞅藝苑則摧輞
敗壞苦無良步此非二者之難兼蓋未嘗本之於儒術也

儒者湛深經術於專業文章平日講求有素則循吏儒林
自可合爲一傳劉君固儒者以儒術應天下無所不濟茲
編特其緒餘耳君曰此書之成強半藉手於孝廉鄭君大
雅寵特一剪裁之而已鄭君工詩善屬文與予善劉君能
不沒人之勞余尤嘉之時康熙十二年歲次癸丑仲春穀
旦

原序

侯七乘

壬子秋予除授廣信府同知八月抵任越十月以公事往
省迺道經興安與爲信州屬邑同知雖冷局亦以上司呼

興安縣志

卷一 原序

六

之而例得信宿於憲署焉入城見茂草載道巷無居人及
進署又見門無板簷無瓦居無四壁斜風細雨木落天高
寒蟻叫濕孤雁嘹空滿目蕭瑟之狀求一牀一几一椅一
凳以共欠伸偃仰了不可得是時縣正缺人越明年新令
劉君至予未暇悉其官况何似然每見予則未嘗不蹙額
攢眉咄嗟感嘆也蓋極天下渺小殘破荒僻窮苦之所未
有甚於興邑者矣今歲例修邑志興邑亦以志書來予予
取而觀之不覺色然喜適然訝也何則志之爲言謂其有
可志而志之也興之爲邑予幾疑其無一可志矣乃他邑

有建置沿革山川輿圖以志其地也而興邑亦然他邑有風俗物產田賦戶口以志其事也而興邑亦然他邑有名宦人物流寓仙釋義夫烈婦以志其人也而興邑亦然興不居然一邑也哉孟子曰將爲君子焉將爲野人焉孔子曰君子學道則愛人小人學道則易使興之邑其地其事其人既猶然與各邑並著則目前之荒殘特甚者時也數也變也而非其常也方今天下氣運方升兵戈不作天正於上民安於下剝極而復理固應爾况又有循良之吏多方招撫吾安知此荒殘特甚者不轉而穀擊肩摩城滿煙火而戶滿倉庾也哉然則予何以爲興邑序哉昔日之興邑予既不能以遠言矣異日之興邑予又安能以豫言予之所言者卽此目前之所見於興邑者歟

原序

劉儀籠

國有史郡縣有志所以備記勸懲信從也顧志與史不同體史載筆嚴貞淫畢載而勸懲之義俱志則錄長褒美務闡幽貞義存風勵寓懲於勸之中故曰志也者志也方志是事欲善之以有所取義作者之志也興舊無志非無志也興爲明嘉靖間增設縣山川人物備上弋志中自縣立

興安縣志

卷一 原序

七

興安縣志

卷一 原序

八

屬在曹檜罷於奔命百年以來生聚幾何教誨幾何夫是以寥寥焉非地限之抑亦上之人不能鼓舞作興之也舊志所載因陋就簡今奉憲檄雅意纂修特命孝廉鄭大雅領其事日夕商訂務在傳其可信欲善之以有所取義而已夫方域有常建置無定自秦分天下爲郡縣不知其幾變更有斯也甯獨興邑然乎作建置志星象懸於天而封域應之雖天官多不經語而災祥不爽省日省月亦敬天勤民者事也作分野災祥志有分土無分民畫疆而守所以定民居也作疆域志出治有堂退食有居皇華有舍城隍有廟社稷山川邑厲有壇下至養濟義冢各有所所謂明有人幽有神攝而灌之使天下無告者皆有依而枯骨亦有托也作公署城隍社稷各色志記曰廣谷大川興何民生其間異俗是俗也地爲之然言俗必曰風財又係乎上之化導何如耳作風俗志山川之秀鍾爲人物然文章節義之士生爲國華而地亦因以不朽也作山川坊巷橋梁志古者版籍上之天子天子拜受甸服而外粟米稗粘因之取之金玉用之泥沙不幾重困我民乎作戶口田賦徭役志山林陵麓陂池各有產足民用也而水之潤物會

五行首益可忽乎哉作水利物產志厚生之後繼以正德
化民成俗舍學幾由文教誕敷實治天下之所不能緩也
作學校志俊又在官爲人表率桐鄉之祠千古贈炙人口
而生於其地者百世可風豈至與草木同腐乎作秩官名
宦鄉賢志豪傑之生出建功業史冊榮之而亦有策名天
府表厥宅里香人齒頰者是烏可以無傳作辟舉科甲賓
貢馳封志天地正氣賦於沈形則至性懿行矯然自命有
非稱詩說禮人所能傲者則綱常名教之重賴若人傳不
表其行不可也作列傳峴山之石千古不磨宋玉之居只

興安縣志

卷一 原序

九

今有址高人足跡所至而地因之以傳作古跡仙釋志山
川靈異不遇品題則頑然者石塊然者山耳有杜陵雜詩
而秦州傳有子厚小記而銘錙著則山水必藉乎文章也
明矣作藝文志事跡畧於他邦而記載傲乎信史亦曰志
也者志也方志是事欲善之以有所取義而已若以爲鋪
張往事據拾傳聞魚目亂珠則非予之所敢出已昔李吉
甫作元和郡邑志謂執此可以治天下予不敢望吉甫猶
曰執此可以治興安則予又何敢多讓焉是爲序

原序

鄭日全

信屬邑凡七而興之建也在明嘉靖中獨爲最後邑舊有
志然記載草草或失之蕪或失之畧無當大觀迨龜鼎草
經兵火之焚蕩歷風雨蟲鼠之侵蝕版冊無完幅百餘年
間事蹟荒畧莫可考矣邑侯百一劉公以燕山豪雋夙負
才名來宰是邑起我蒼赤於兵殘賦劇之餘以長養之教
訓之故下車未幾而風清惠浹士恬民熙語所謂期月而
可壹其然乎侯復憫邑乘之殘缺思以纂修爲已任而徵
志之檄適至於是乎經營伊始焉載籍可稽也則徵之文
故老猶存也則考之獻更取舊志之繁者刪之闕者補之

興安縣志

卷 原序

十

慮其贖也則虛衷審實以要於當慮其偏也則據事取義
以歸於公曾未逾月而書遂告成於是乎星野之占風雨
露雷之變山川人物城郭宮室之勝官師兵衛禮樂賦役
之司人文之盛衰風俗之升降以及詞章之藻麗草木魚
虫之情狀與夫仙釋神鬼靈奇怪幻一切可喜可愕之事
莫不部分條注綱舉目張一邑之觀粲然大備猶歎休哉
然余嘗聞之矣故澤一世教澤百年則侯之於是役也豈
僅以備典故已乎夫邑之有志猶國之有史蓋已往垂於
來蓋勸戒之理存而裁成輔相之道亦由之以出其治典

教典合爲一書殆不特爲一方一時計而直爲天下後世計也既詳而可考亦信而有徵於以上誌昭代一道同風之盛而下開來哲因地制宜之休非甚盛舉哉志之成也家仲秀子襄助之力居多然非侯之虛懷集思不及此因併及之是爲序

原序

孫世昌

興安爲古弋陽橫峯之陶地建邑纔百有二十年予披閱

圖志東西廣七十里南北倍之亦古所稱次國地方也予

興氏謂縣地褊小可爲善國春秋時國小而備者莫如鄭

興安縣志

卷一 原序

十一

而子產爲政能使都鄙有章上下有服田有封洫廬井有伍錫刑書存鄉校寬猛相濟輿人誦興由此觀之地無亦大亦視其治之者何如耳信之興邑亦猶春秋之鄭戰國時之滕也往之牧斯土者無論已邇來劉令當凋敝之後能寓撫字於催科遽蒙優擢以去得非邑小易治之效乎今胡令蒞任未幾適會我

朝纂修大一統志令郡縣皆繪圖以進興安雖彈丸地亦得

附呈以備採擇此胡令所爲汲汲增修而不致後時者也

志成問序於予予閱其巨細畢載開卷洞然竊嘆胡令之

敏而詳詳而慎也然予因是而更有慨焉興安之民非盡

橫峯之陶民固上弋兩縣所分之編氓有分土無分民有

分民無分治何以分隸興邑之百姓率多隨良與邑之風

俗率多樸愿豈非賢有司倡導於上而潛移默奪而不自

知乎昔興人之誦公孫僑曰我有子弟子產誨之我有田

疇子產殖之斯語也予知興民殆將爲胡公誦矣誰謂牛

刀割鷄之莞獨在武城之絃歌哉予則領耳以聽康熙二

十二年癸亥

原序

胡裕世

興安縣志

卷一 原序

十二

癸亥孟秋予奉

命蒞宰興安俯覽荒城僅五十餘家其鄉堡村落皆灌莽

極目空存二十二里之名舉天下之僻陋編小未有逾於

茲邑者邑建於有明嘉靖年間舊志無從稽攷於康熙十

二年遵

旨纂修前令劉儀寵領其事凡於邑乘所宜記者條載亦其備

矣今

聖天子威靈遠播廓清四海爰

敕守土臣重紀方輿形勝務覈且詳以昭車書一統之盛予因

進父老子弟而詢之自甲寅來逆黨煽亂蒞斯土者或身殉城社而矢死靡他捍斯圍者或志存敵愾而激烈不回者得無有耶抑或志士仁人甘鼎鑊之如飴不惜殞首以成仁貞女烈婦誓冰壺以同潔不惜捐軀以完節者得無有耶且賦役屢荷

恩詔其亦如洛陽萬戶實被洪澤以沐

皇仁之浩蕩者有之乎戶册頒奉

諭旨著令實編其或丁口消耗不敢偽增以邀

上賞者有之乎抑踐土食毛投地賦產雖瘠里蕭條未獲

興安縣志

卷一 原序

十三

如椀幹栝栢竹箭金錫之饒然一絲一粟遷其地而弗能以為良也至於官師兵衛之裁建城郭宮室之存圯邊陲控扼之更仍幽明典禮之增損與夫藝文科貢風景人物之華樸水旱災祥神鬼仙釋之有無則幾經滄桑之變滄而猶宜悉載於是不憚搜羅遍訪輿論屬學博考如珮參閱焉且於前志畧者補之繁者刪之俾先後庶無缺畧歟

原序

孔鵬

興安邑志修於康熙十有二年前令劉君儀寵迨二十二年纂修天下一統志興雖補小亦得編次呈覽時幸胡君

裕世因而增修凡天文地理以及人物藝文莫不巨細畢載後因延燬計頁二百六十有奇志闕有間矣於是捐俸集匠災棗梨而剝剝之燬者以復闕者以補前志所有者補綴無遺俾樛風問俗者班班可攷庶幾無廢前人作者之志而余之汲汲以求無闕者斯志應亦見諒於後之君子焉康熙丁酉知縣孔鵬序

原序

連 柱

興安縣志

卷一 原序

十四

興安為古陶地山勢阻險蹊逕僻隘陶氏嘗據險蓋擾明嘉靖間始割上弋都鄙而建邑焉地雖僻而土田原隰稱膏腴葛源霞坊諸村煙火相望橫峯楮亭諸勝藏粟稱奇建置二百餘年駸駸乎風斯美矣邑舊志無存

國朝康熙十二年知縣劉儀龍初訂成集歲癸亥亥知縣胡裕世復增修焉越一載板片遭火燬焚幾半至今又百餘年矣夫以二百餘年之縣至百餘年而志始修百餘年之志又待百餘年之後而再修此興志之所宜亟亟也按原序邑之僻陋特甚然余嘗往來其境見夫山川疆域昔所謂荆棘蒼煙今則青螺環列矣城郭室廬昔所謂斷瓦頽垣今則女牆畫棟矣津梁驛路昔所謂客旅淒涼今則車馬絡

繹矣贊宮書院昔所謂茂草荒蕪今則絃誦滿耳矣笙歌
承久不聞鼯鼠之啾輪載滿途不識化儻之苦是皆我

國家太和翔浴百有餘年以來道一風同故雖一邑其繁盛
有如此也夫分弋之半割上之半畫井分疆依然方六七
十如五六十任土作貢安見非邦司民牧者信節留心撫
字加意作人將戶口殷富而學校易舉矣學校振興而人
材益奮矣不幾斐然稱名邑乎是志與郡志及六邑志一
時合局同修至是告成因追其昔日之簡畧而快其今日
之美備與六邑齊觀有如此者乾隆四十九年閏三月既

興安縣志

卷一

原序

十五

望

原序

雷汾清

有不易之教化無不變之風俗故欲風俗醇美必先教化
有方教化之責在於守土之賢自古循良奏績凡山川城
郭社稷民人以及土田物產莫不一一就理由是風移俗
易百姓日用而不知武城單父此道也召父杜母亦此道
此固不以地之大小莫也與邑建自明季迄今已二百餘
年余自癸卯春來蒞斯土見夫彈丸斗邑雖一切簡約然
山之秀巖之幽林木之青蔥川澤陂池之滋灌園四境

圖畫間有游惰之民曰無之問有不耕之地曰無之問有
強梗不率之徒曰無之疆域雖狹而桑蔭掩映一櫛比之
象賦稅雖勤而丁口日益一富庶之形人情樸茂景物完
醅何道之隆也邑舊有志其所載分縣之初荒陋極矣自
我

朝定鼎以來德澤汪洋無遠不屆卽山陬僻壤莫不食太平
之福兼以賢守令前後督率勸課匪朝伊夕故雖蕞爾興
安亦得與同郡六邑壤錯而稱盛焉所謂教化興而後風
俗厚不信然歟余方懼無以仰承德意而我太守連適有

興安縣志

卷一

原序

十六

纂修郡邑志乘之舉良法美意其見諸成效者已足光史
冊而垂不朽也今興志踵郡志而竣事典冊焜煌用敢敬
書數語以紀其盛至於志之盡善及爲序所以詳者概不
復贅云乾隆四十九年孟夏上浣

原序

余成彪

壬午春 彪奉各憲檄令續修縣志送省局纂辦通志並類
修志採訪章程格式一本彪因延集邑中紳士商籌經費
彪首倡捐廉至八月始行設局分修 彪計自嘉慶十六年
任興安縣事迄今十有二年於弋陽水次重建清倉於縣

城重修 關帝城隍二廟 文廟係嘉慶十二年撤修

又聿觀厥成均有記以紀其事伏念 歷仕興邑多年

其民風士習山川都鄙以及沿革選舉人物各事宜靡不

究悉今修邑志 固樂倡捐而邑中人士亦無不踴躍樂

輸乃事功未半至冬月 遠嬰重病展轉床褥難與就痊

於是引退豈命也歟伏望後之博物君子逐類而續成之

不獨增光興邑即 賚志以設亦無遺恨矣是為序道光

二年十二月穀旦

原序

申 佑

興安縣志

卷一 原序

十七

自京職奉 佑

命調授興安令癸未季夏抵任時值重修縣志將屆告成係

前任余公任內奉 大憲飭修并頒發修志格式一本因

屬署司諭饒公名元英者悉心覈實總期矢公矢慎無濫

無遺今於甲申仲冬始行蕝事 細加披閱刪改得宜條

目井然足昭一邑之文獻而符公論邑紳人士固請 佈序

爰綴數語以附簡端云道光四年仲冬上渰

跋

興安縣志舊跋

李仲穎

李子仲穎守漢之明年同學孝廉鄭君大雅不遠數千里

致予書曰邑侯劉君於客冬受命蒞茲土見荒殘狀唏噓

大息者久之繼而慨然念曰

國家太平三十餘年而此一塊荒殘土尚置荆莽間恐非我

皇上輯甯海宇至意也於是勵精圖治不敢荒甯將疇昔一切

秕政革除殆盡每單騎歷郊問民疾苦猶父母視子痛痒

饑寒無不周以悉詳且盡者且布衣脫粟以勤儉先困哇

興安縣志

卷一 跋

十八

之屬手自樹植不以絲粟勞民民乃幸有寓宇呼號者樂

奔命者息散而之四方者歸宛然化國之日稱樂

餘猶日進父老耆舊志問縣所由建曰是何謂者至此乎

遂毅然以千秋事自命適奉憲檄修纂乃簡邑之有文譽

者日夕商訂務傳可信編輯成書視舊稍加詳焉予小子

自慚謏陋獲與同事茲幸告成將付梓願得一言為重予

載拜稽首以復鄭君曰為令難為與令濶難何劉侯任事

之勇而成事之速乎我與疲乏十倍他邑用慈則失柔而

怠玩之心生用威則失猛而趨避之念作故往往令茲土

者非無病瘵乃身之意求其寬嚴得宜能登斯民於衽席者蓋不多觀矣何劉侯來政未及朞遂使頽尾如燬之衆皆獲有室家且以緒餘纂修邑乘爲千秋不朽事哉探厥所由蓋以實心行實政不事矯飾不立名譽視邑如家視邑人如子故能治禁絲而不亂解全牛而騁然也昔司馬君實人物爲一代冠冕只是脚跟踏着實地張益州勛名彪炳天壤無過於慷慨有大畧以侯之政事概侯之生平豈與司馬益州有歉乎哉至若志之欵項侯言之詳矣

容責

興安縣志

卷一

跋

十九

興安縣志卷一

凡例

一興志至今凡八脩創始於前明劉侯一貫繼脩於

國初劉侯儀寵皆存其序而亡其書厥後胡侯裕世傷於繁孔

侯鵬因其板燬已半而再刻之且續之劉侯夢魁又續其

尾故胡孔劉三志合爲一書今統謂之孔志後又有雷志

則傷於簡惟申志經前任余侯作岩鄒學博曉江邑明經

洪雨甘三人手訂旋余侯卒於任申侯伯繼之盡委其事

於饒學博元英庶得中焉今申以前皆概稱前志申則稱

興安縣志

卷一

凡例

申志

一繕書行款抬頭書手生疎每易錯誤今定卷首一行書某

郡縣志頂格寫次行標題低一格寫分類小目低二格寫

第三行小序并按語及所附詩文俱低二格寫標舉時代

漢唐宋元明低一格寫

國朝頂格至本文謹遵

欽定四庫全書之例俱頂格寫其應單抬雙抬者另提一行不

必出格前代名人文集具有定式非可以奏疏書啓之例

拘也至雙行小註有爲尺幅所限不能另提者過單抬空

一字雙拍空二字此亦四庫館定式志中附入詩文及按語概低二格既可拍頭不必與本文一例覽者詳之
一申志抄錄舊文有於一篇之中抄數行合數篇為一篇者今無原文可核故刪之

一志乘體例期於斟酌盡善此次纂脩悉遵上憲頒發格式分門別類有因所當因者如各都水利均照舊志概不加增所以隱杜爭端也有革所當革者如舊志另分形勝一條今併歸山川之內倉儲向列公署漕運向附田賦今別為一類所以各從義例也有增所當增者如興邑設立

興安縣志

卷一

凡例

二

常平倉舊志漏未會載今增入之舊志職官止載文秩而不及武弁今並列之皆所以補闕畧而存名義也有詳所當詳者如弋陽之漕倉祇載明季始建

國朝重修而其基址之既失而復還並未詳敘今備志巖末俾後人咸知故物重還之有自來也

一碑銘序記舊志均列入藝文遇事查考多費緝閱今仍照舊志款式附於各類之後如文廟藝文則附文廟岑山藝文則附岑山因其事以覓其文庶幾原原本本開卷了然其無類可附者仍列藝文之內

一戴文端公

國朝之名宰相也雖籍隸大庾而實生長興安舊志萬賢內何獨遺漏今特為補入亦足增興邑志乘之光與

一舊志塘汛列入驛鹽之內體例似覺雜亂今更正之改歸兵制不敢襲謬仍說以蹈叢脞之弊

一舊志無經籍金石二條此次奉憲諭採訪增補興邑地僻人遐屢遭兵燹前人著述多失其傳無從蒐討金石文字所存無幾然斷句遺文亦可採之以備一格

一申志舊板已失數頁其人物事實無從蒐考識者諒之

興安縣志

卷一

凡例

二

興安縣城圖

興安縣志

卷一

圖



繪圖

都鄙圖

興安縣志

卷一

圖





興安縣志

卷一

圖



興安縣志

卷一

圖

駐余國賓繪

朱瑞祥刊

金王定興刷



地理志

星野占驗附

志地理必首星野者蓋本保章氏疆域皆有分星以觀妖
祥之意三光者陰陽之精氣本在地而聖人統理之故二
十八舍至一十二州由來久矣天之感動必通三五其與
政事俯仰近符故日變修德月變省刑星變結和分野之
於政事所係豈淺鮮哉為治者於其所主之星觀時變而
加修省則天官備而人政舉矣志星野

興安縣志

卷二 星野

天文分野斗牛吳牽牛周禮注

吳地斗分野今之會稽九江丹陽豫章廬江廣陵六安臨淮郡

歸吳分也漢書地理志

自南斗十二度至須女七度為星紀於辰在丑吳越分野屬揚

州費直說周易自張十七度至軫十一度為鶉首於辰在巳楚

之分野屬荊州費直起張魏太史令陳卓及范蠡鬼谷張良諸

葛亮誰周京房張衡並云晉書天文志

斗牽牛須女吳越揚州九江入斗一度廬江入斗六度豫章入

斗十度會稽入斗一度吳分會稽立東陽郡其太末南昌饒州信安二縣地今半屬黃信

廣信南康建昌撫州臨江吉安瑞州袁州贛州南安天文斗分

野九江天文斗牛分野明志

江西布政司所屬皆斗分明史天文志

揚州管斗牛之分野兼得楚及南越之交杜佑通典

斗六星二十五度為吳之分野南昌入斗八度饒州廣信同居

七度分野圖說

比斗七星四曰權於時主水其分為吳宋史天文志

按比斗七星為天之樞在二十八宿之外從無分野之說

并其居所在北廣信等郡在東南懸隔遠絕宋史所云其

中央隨制四鄉第四星曰權其臨之鄉應在吳之分位耳

興安縣志

卷二 星野

漢書所云吳地斗分野乃就南斗而言舊志此條近附會

聊存卷末以備參考

大官書南斗為廟其北建屋建屋者旗也考要斗北宮之宿北

玄武七宿之一 夏秋之間見於南方故曰南斗按星經南斗六星狀如

北斗亦曰天機南二星魁天梁也中央二星天相也北二星天

府建也又云建六星在斗背亦曰天期豫章十三郡南饒廣等

十二郡俱斗分野惟九江郡斗牛分野廣郡居諸郡之北上七

居廣郡之北興安又居上七之北建星居斗之北興安分野在

斗建之間尤為核而可據

宋黃庭堅曰勾吳之區維斗所直其言與諸史符合玉山

docsriver 文川网
入驻商家 古籍书城

在文川网搜索古籍书城 获取更多电子书

候貴溪同郡而藉屬會稽即牛女各不相混占候者有乙巳丁巳之分焉章世純以信屬麗斗六星二十五度過數千餘里不為分晰則二十八宿分野圖說為精矣較然者勿清渾然者勿鑿故歷證以資博考而歸宿要莫踰初指焉

焉通

明初龔致分鎔山為光澤崇安北界北接上饒弋陽入南斗八之頭九之尾三分數之間星紀之次於辰在丑於數建星較歷來志天文者以信為居斗七度猶為核而可據

興安轄地彈黑乎七屬其分野固宜與他邑等

興安縣志

卷二 星野

三

占驗

正月 斗建寅日在室 一雞二犬三猪四羊五牛六馬七人八穀其日晴所主之物有陰則災元宵月初占百果日中晚

早稻

二月 斗建卯日在李 驚蟄雷鳴至本月多雨次月旱妨農

三月 斗建辰日在胃 三日聽蛙聲午前鳴高田熟午後鳴低田熟唐詩云田家無五行水旱小蛙聲

四月 斗建巳日在畢 立夏日青氣見東南吉否則歲多災立夏與小滿日宜雨

五月 斗建午日在井 夏至得時豐稔之候諺云夏至在月頭有暎也生愁夏至在月中就擱米翁謂米價平也

六月 斗建未日在柳 立秋在月晦則早稻遲諺云六月立秋要到秋七月立秋不到秋

七月 斗建申日在翼 七夕以前占河影沒三日而復見則穀賤七日而復見則穀貴

八月 斗建酉日在角 秋分一日不宜晴中秋月光則無無雲重則知次年元宵多雨

九月 斗建戌日在房 自一日至九日凡北風則穀價賤以日占月可知

十月 斗建亥日在尾 荆楚歲時記天時和暖似春人謂之小多 小陽春一日宜晴諺云十月初一晴柴炭灰樣平此月宜

十一月 斗建子日在斗 冬至日青雲見北方吉應來歲豐稔否則主旱災

十二月 斗建丑日在女 大寒小寒多風雪損畜

四季甲子 春甲子雨赤旱千里夏甲子雨搖船入市秋甲子雨水生拔耳冬甲子雨雪飛千里此唐俚語驗諸時令

四季甲申 大雨穀價大貴 小雨穀價小貴

興安縣志

卷二 星野

四

按漢書謂陰陽之精其本在地而上發於天野志於分野之星宿詳列占驗雖亦以示人修省之意然侈言休咎類於讖緯之誣茲不具錄至田間歲時占驗事關民食至理所先古二至之青氣稜三時之紀風雨同其義也詳著於篇

興安縣志卷二

地理志

疆域

我

朝一統天下版圖之廓百倍唐虞於戲盛矣然眾星雖拱北

辰而纏次各有一定北辰者

京師也眾星者州縣也興之在斗不及一度即合上弋亦昭

昭之多耳雖然究不得謂非吳之分野也故繼星野而志

疆域

興安縣志

卷二

疆域

五

縣東西廣七十里南北袤一百五十里東抵上饒縣界四十里

西抵弋陽縣界三十里南抵鉛山縣界二十里北抵饒郡之德

興界一百二十里府

按興邑與圖繡錯於上弋兩縣之間有歷上饒地百餘里

而始抵興地者如十五都是也有越弋地數十里而始抵

興地者如三都十二都是也地之相去遠近不同此姑著

其廣袤之畧耳前志

靈山鄉在十五都二圖

安輯鄉在十七都二圖十八都十九都二十都二十四都二十七都

石橋鄉在三十都一都

以上俱上饒撥入名上鄉

招賢鄉在三都下四都五都六都七都上八都下八都九都

太平鄉在上十都下十都十二都

孝誠鄉在五十八都五十九都

以上俱弋陽撥入名下鄉

居仁坊 協和坊 敦谷坊俱在縣治東街

易中坊 尊美坊俱在縣治西街

服義坊在縣治南街

興安縣志

卷二

疆域

六

崇文坊在縣治北街

以上俱在縣治城內

上里塘即上密口 金剛嶺 客人街即茅山脚 樟榔場裏 樟榔源

葉家壩 內塢壩 黃泥嶺 花亭子 官山巖

金城街 復城街 周家山 柳仙村 沙坑

上茅坪 中茅坪 下茅坪 祈雨嶺

以上係下十都附居縣治城外

瑯山

附拾事樊鑑八景詩 石壁自奇峭飛流一道泉雷震
白晝掃綠落青天雪色照八冷波光灑地圓農家如餘閑